



UNIVERSITÄTS-
BIBLIOTHEK
PADERBORN

**Iosephi Vicecomitis Ambrosiani Collegii Doctoris
Observationes Ecclesiasticæ In quo [!] de Antiquis
Baptismi Ritibus, ac Cæremonijs agitur**

Visconti, Giuseppe

Parisii, 1618

Cap. 36. Pueros sub vini specie, adultos sub vtraque Eucharistiæ
conuiuium inire solitos.

[urn:nbn:de:hbz:466:1-64585](https://nbn-resolving.org/urn:nbn:de:hbz:466:1-64585)

Præterea, cum pœnitentiâ, ieiunium, Confir-
matio, & reliquæ baptismi cæremoniæ in-
fantibus cum adultis communes essent: non
est, cur, communionis vsum alteris ademptū
Eucharistiam à profano, & communi pane
nescire discernere, nequè ad eam accipiendâ
pietatem animi, & religionem afferre posse:
cur illis, præter baptismi tempus, in liturgiæ
fine dabatur.

In fine mis-
sæ commu-
nionem e-
tiam pueri
inibant.

*Pueros sub vini specie, adultos sub vtraque Eucha-
ristiæ conuiuium inire solitos.*

CAP. XXXVI.

AT pueri idonei non erant, qui cœlestem
dapem contererent. Hoc refelli potest:
sed pugnare nolo, ad puerorum enim com-
munionem probandam sufficere debet, ipsos
sub vini specie sacram Eucharistiam sumpsisse
quod & verissimum est, & ab Hugone Victo-
rino memoriæ proditum lib. 1. de sacrament.
cap. 20. vbi ait: *exinde datur baptizato vestis
candida: ad vltimum datur cereus ardens omni-
bus his nouus homo in utero matris Ecclesiæ incoha-
tur, prouehitur, consummatur, & vniuersitati Ec-
clesiæ aggeratur, hoc est, corporis Christi membrum
efficitur. Vnde, si cius valetudinis est, sacramenta v-
nitatis, id est, corpus, & sanguinem Christi acci-
pere debet, pueris recens natis idem sacramentum in
specie sanguinis est ministrandum, quia tales natura-*

Pueri post
baptismum
Eucharistiâ
solummo-
do sub spe-
cie vini
sumebant.

liter suggerere possunt. Augustinus ad Bonifacium contra haresim Pelagianam. In Ecclesia saluatoris per alios parvuli credunt, sicut ex alijs, quæ in baptismo dimittuntur, peccata traxerunt. Nec illud cogitatis, eos vitam habere posse, qui sunt expertis corporis, & sanguinis Christi. Dicente ipso Domino, nisi manducaueritis carnem filij hominis, et biberitis eius sanguinem, &c. ergo (si sine periculo fieri potest) iuxta primariam Ecclesie institutionem sacramentum Eucharistie in specie sanguinis est tradendum pueris. Unde ignorantia adhuc formam retinens, sed non rem, dat eis loco sanguinis vinum, quod penitus superuacaneum arbitrarer, si sine scandalo simplicium dimitti posset, si autem in reseruando sanguinem Christi, vel ministrando pueris imminuat periculum, potius superledendum videtur. Hæc Hugo: quæ si animaduertere velimus, tria ad rem præsentem colligi poterunt. primum est, pueros post baptismum sub specie vini sacrosanctum Christi sanguinem hausisse, quod probandum proposueram, alterum Hugonis ætate vini vsum in Christi sanguinis locum suffectum esse: tertium, adultos sub vtraque specie diuino Eucharistie cibo animam refecisse, quorum duo priora, quamquam dignissima scitu, tamen alio literarum lumine caruerunt, de vltimo autem plurima veterum scriptorum testimonia existunt: quorum sex hoc loco proferam. Non solum enim ex capite trigesimo quarto desumi possunt loca vitæ SS. Procelsi, & Martiniani, participes eos fecit corporis, & sanguinis Domini nostri Iesu Christi, vitæ SS. Getulij, Cerea-

Winumpost
baptismum
pueris dari
cepit loco
sanguinis
Christi A.
dultis post
baptismum
Euchari-
stia dabatur
sub vtraque
specie.

lis, Amantij, & Primitiui, participes eos fecit
sacrosancti corporis, & sanguinis Christi, vitæ S.
Procopij, imperit viuifico corpore, & sanguine
Christi, & Rabani Mauri lib. 1. de Institut.
Cleric. cap. 29. corpore, & sanguine Dominico
omne præcedens sacramentum in eo confirmatur:
quæ hanc consuetudinem apertè declarant.
Sed etiam S. Gregorius Nazianzenus orat. 40.
in sanc. bapt. cum fideles hortaretur, vt pau-
peres cotrogatis elemosynis fouerent, au-
gustissimi corporis, & sanguinis Christi, quod
post baptismum susceperunt, meminit his
verbis: moueat te mystica mensa, ad quam accepisti:
moueat te panis ille, cuius participas actus es,
calix ille, quem accepisti, cum Christi passionibus
iniciareres, & Beroldus in ceremoniali manu-
scripto Ambrosiano, cum sui temporis cere-
monias, quæ in aquæ baptismalis consecra-
tione fiebant, accuratè persequeretur, ora-
tionem conscripsit, in qua Deum optimum
maximum precatur, vt ijs, qui post bap-
tismum corpus, & sanguinem Christi suscepe-
runt, suæ gratiæ munus liberali charitate im-
pertia, quicquid (Beroldi verba sunt) noxiuum
de prauaricatione contractum est, huius gurgitis pu-
ritate deponant: surgant ad requiem: producan-
tur ad veniam, vt mistico corpore, & sanguine in-
nouati redemptos se nouerint, &c.